

Бухоро вилояти бўйича истиқболли режалар белгилаб олинди



Президент Шавкат Мирзиёев Бухоро халқаро аэропорти биносида мутасадди раҳбарлар иштирокида йиғилиш ўтказди.

Худудни ижтимоий-иктисодий ривожлантириш, жумладан, бугунги мураккаб шароитда аҳолини иш билан таъминлаш, камбағалликни қисқартириш, пандемия сабабли заар кўрган иктисодиёт тармоқларини тиклаш масалалари батафсил кўриб чиқилди.

"Темир дафтар", "ёшлар дафтари" ва "аёллар дафтари" тизимларида бажарилаётган ишлар муҳокама қилинди.

– Бугун ҳудудларимизда ёшлар ва аёллар муаммоларини чуқур таҳлил қилиш ва самарали ҳал этиш қун тартибидаги энг асосий масалалардан бири бўлиб қояпти. Мақсадимиз – инсон қадр-қимматини жойига қўйиш, – деди давлатимиз раҳбари.

Пандемия даврида Бухоро вилоятiga хориждан қайтиб келган 8 минг фуқародан 7 минг нафари иш билан таъминланди. Бандлик масаласи изчиллик билан ҳал этиб борилиши юзасидан мутасаддиларга тегишли кўрсатмалар берилди.

Йиғилишда инвестицион лойиҳалар ва экспорт масалаларига ҳам алоҳида эътибор қаратилди.

Жумладан, жорий йилда Бухоро вилояти бўйича 571та шундай лойиҳа амалга оширилиш, бу билан 14 минг иш ўрни яратиш режалаштирилган.

Йил якуни бўйича экспорт ҳажми 184 миллион долларни ташкил этиши кутилмоқда.

Мамлакатимизнинг ҳар бир ҳудуди каби Бухоро замини ҳам улкан қурилиш майдонига айланган. Биргина вилоят марказининг ўзида 700 та обьект барпо этилмоқда.

Йиғилишда таъкидланганидек, асосий мақсад – Бухорода бошланган кенг миқёсли ислоҳотларни жадал давом эттириш.

Муҳокама қилинган масалалар бўйича амалга оширилаётган ва режалаштирилган ишлар тўғрисида мутасаддиларнинг ҳисоботлари эшитилди, уларни ўз вақтида ва самарали бажариш борасида қўшимча топшириклар берилди.

Йиғилишдан сўнг Президент Шавкат Мирзиёев Тошкентга жўнаб кетди.

ЎзА